

13 di Agostu di 2021

Ola Familias di Skolas Publiku di Boston :

Nu sta intuziasmadus ku lansamentu di novu anu eeskolar y ansiozuz pa odja ses alunus volta pa aulas na pokus simanas. Ikipa ten trabdjadu duru na preparason pa outono pa garanti ki bus alunus xinti bem-vindus di volta pa prédius di skola, sikre es ten apredendu pissoalmenti, na um mudelu mistu ou totalmente distansia na anu pasadu. Nos kumunidade sta fokadu na garanti ki tudu alunus y funsionárius sta pruntu pa un ótimo anu eeskolar.

M sta skrevi pa furnesi alguns atualizason sima nu ta kontinua nos planiamentu. Komu un lembreti, primeru dia di aula pa alunus di **1^a à 12^a anu é Kinta - feira, 9 di Sitenbru** . Primeru dia di aula pa alunus di **Pré-Skola y di Jardim di Infânsia é Sigunda - feira, 13 di Sitenbru** . Kalendáriu kompletu pa anu eeskolar di 2021-22 sta disponível na [bostonpublicschools.org/kalendar](https://www.bostonpublicschools.org/kalendar) .

Saúdi y Siguransa

Tudu alunus y funsionárius di BPS , independentementi di status di vasinason, ta ser obrigadus uza máskaras enkuantu nu sta dentu di predius di skola y durante transporti di autokaru amarelu kuandu es volta pa skola na sitenbru. BPS ka planeia inpoi distansiamentu fiziku kuandu nu volta pa skola es outono, embora nu ta inkoraja 3 pés di distansiamentu fiziku sempri ki pusivel.

BPS ta kontinua ta monitora sintomas di COVID-19 y tudu funsionárius y alunus é insentivadu pa fika na kaza ora ki és ka sta xinti dretu. Alunus y funsionárius é solisitadus pa prenxi [lista di verifikason di saúdi duméstiku](#) tudu dias antis di sai di kaza. Rastriamentu di kontatus ta kontinua en kulaborason ku nos kolegas di Boston Public Health Commission (BPHC). Tanbe nu sta trabadja ku BPHC pa riviza orientason di saúdi públiku y adapta nos prátikas y prusidimentus pa agrupamentu di alunus y assentus dizignadus, áreas di spera médiku y testi COVID-19 gratuito pa alunus y funsionárius.

Ikipa di BPS tanbe ta aderi pa verifikason di vasina risentimenti anunsiadu ou pulítika di testi regular pa funsionárius di sidadi di Boston, un etapa krítika pa garanti saudi y siguransa di nos kumunidade di skola. Sentros di Kontrolu y Privenson di Duensas (CDC) ta rikumenda ki tudu pisoas ku mas di 12 anos ta resebi vasina COVID-19. Vasinhas é un di ferramentas mas importanti ki nu ten pa pruteji nós mesmus y uns aus otus di COVID-19; nu entantu, taxas di vasinason na sertus bairrus di sidadi y entri jovens di 12-15 anos ta permani dibaxu di média di sidadi di Boston. BPS sta ta trabadja ku BPHC pa hospeda Klinikas di Vasinhas COVID-19 di volta pa aulas na lokal pa tudu sidadi, ki ta inklui txeu skolas BPS. Ka é nisisariu agendamentu, nu ta atendimentu di walk-in diretu é bem-vindus y iventus ta ten ku kumida, rifas y otus prêmios. Pa ten mas informason, vizita [boston.gov/kovid19-vacsine](https://www.boston.gov/kovid19-vacsine) .

Vizon Akadêmiku: Un Planu pa Rikuper y Rimagina Aprendizagem

Guvernu federal y di stadu, djuntu ku autoridades munisipal, ki ta inklui nos atual y anterior pifeitu y veriadoris, ki ta fazi investmentus significativus na BPS. Nu sta pritendi uza es rikursu pa invisti na nos alunus y skolas. Na volta pa skola, alunus y famílias podi spera:

- Maior asesu asistenti sosial y ligason di familia
- Sirvisus kompensatorius di alta kualidadi pa alunus ku difisiensia
- Maior asesu sirvisu di traduson y biblioteka digital multilingual
- Mas asesu di livrus, matiriais y rikursus
- Asentus Pre-K spadjadu na tudu sidadi
- Oportunidade di involvimentu ku plataforma di alfabetizason digital pa apoia y aprimora alfabetizason y ensinu di idioma
- Tempu di aprendizadu prulongadu na munti skolas

Alen di kela, skolas ta risebi fundu pa suporti akademiku, sosiuimosional y operasional, adaptadu a nisisidadi spesifiku di se kumunidade. Direktoris ta sta ta kolabora ku ses kumunidade eskolar pa ditermina midjor forma di invisti es fundu ate 1^o di Outubru di 2021.

Nu sa ben konsentra na alfabetizason ekitativu na tudu sistema Pré-K-12. Es iniciativa di varius anus ta atingi tudu edukadoris, independentimenti di konteudu, skola y lider di skritoriu sentral. Nu debi kumpri prumesa di risultadus y oportunitadís di alfabetizason totalmenti midjoradu pa nos alunus y garanti ki kada alunu torna un leitor y eskritor forti y profisienti. Nu ta Konsentra nos tempu y atenson na garanti asesu di textus alunu kompleksus y involventis, spesialmenti garantindu ki sentralizemus autoris di BIPOC. Alen di kela, nu debi oferesi nos alunus oportunitadís y instruson sobri modi ki bu ta diskuti y iskrevi parti di textus kompleksus. Alunus di BPS es é brilhantis. Nu ta fornese nos alunus oportunitadís di libera ses brilhantismu, proporsiona speriensia di alfabetizason involventi, rigurozu y riku na nos sistema Pré-K-12. Pa apoia es enfoki, tambe nu ta aumenta asesu a Biblioteka Digital Multilingui, bibliotekas baziadus na skolas, ben komu karton di biblioteka digital y di Biblioteka Publiku di Boston.

Instalason y Kualidadi di Ar

Alen di konsertu di mas di 12.000 janelas na anu pasadu pa apoia fluxu di ar y aumenta ventilason, BPS stá na prusesu di instalason di sensoris di kualidadi di ar internu na tudu edifisius eskolaris, nu ta kumesa ku salas di aula y spasus di aprendizagen. Tambe nu sta trabadja pa substitui filtrus na tudu 5.000 purifikadoris di ar ki foi inplantadu na skola na anu pasadu. Filtrus di purifikador di ar ta ser substituidu kada seis mes. Pa nos skola ku sistema HVAC, nu sta substitui filtrus MERV-13 di akordu ku manutenson rigular di sistema predial. guardion di BPS tambe sta trabadja arduamenti na limpeza di nos instalason y na preparason di predius di skola pa alunus y fursionarius retorna na prosimu mes. Istalason di saniamentu ta permanesi na koredor y salas di aula, y skola ta ser totalmenti abastesidus ku ikipamentus di pruteson individual y un suprimentu di material di limpeza pa três mes.

Transporti

BPS sta na prusesu di diresona alunus kualifikadus pa autokarus y manda atribuison di autokaru amarelu pa alunus y famílias pa kureiu y e-mail ate 27 di Agostu. Autokarus amarelu ta ser disinfetadus diariamenti, alunus y fursionarius ta ser obrigadus a uza maskaras na entra autokaru. Alen di kela, pasis M7 MBTA ta ser mandadu pa skolas na final des mês y ta ser distribuidus pa alunus kualifikadus di 7^o a 12^o anu na primeru dia di aula.

Famílias podi uza nos [Portal di Suporte](#) pa solisita kualkuer alterason na atribuison di transporti di ses alunus. Nos ripresentanti di atendimentu pa klienti tambe sta dispunível pa djuda famílias

y rispondi kualkuer pergunta na nos linha direta di transporti pa 617-635-9520 ou pa e-mail na schoolbus@bostonpublicschools.org .

Asesu pa edifisiu y programas pos-skolar

Asesu pa predius ainda ta ser limitadu pa nu entra na anu letivu, enkuantu nu ta kontinua ta munitora ambienti di saudi publiku. BPS ta permiti ki alguns parserus ki sta trabadja direktamenti ku alunus asesu predius eskolaris pa prugramas antis y dipos di aulas, na un basi di skola. Nu ta fornesi ditalhis adisional na nos prósimu atualizason pa famílias. Tambe nu sta limita asesu di pais pa skolas nes outonu pa reduzi numeru di pisoas dentu di nos predius. Si bu mesti entra na prédiu di skola di bu fidju, bu debi entra en kontatu ku lider di skola y / ou profesor di skola.

Obrigadu pa bu kulaborason kontinua. Nu sta ansiosus pa nu teni tudu nos alunus di volta pa nos skolas, prontus pa mas um anu di aprendizagen. Nta spera ma nhos tudu aproveita últimos semanas di veron. Nu sta tudu ansiosu pa nu odjou na sitenbru!

Na unidadi,



Dra. Brenda Cassellius
Superintendenti